



Directivas per la construcziun d'agids da catscha

relaschadas dalla

vischnaunca da Disentis/Mustér

Basa legala

Per endrizzar agids da catscha (definiziun mira giusut) sin territori dalla vischnaunca da Mustér sco baghetgs pigns buca forestals che basegnan negina damonda da runcada (art. 27 LCG, art. 17 OCG) resp. baghetgs pigns che basegnan in'annunzia da baghegiar (tenor art. 40, al. 1, cefra 5 OPT ed art. 64, al. 2 LB) sto vegnir dumandau pil consentiment dil survetsch forestal (art. 18 OCG) e dil proprietari da terren.

1. Definiziun d'agids da catscha

plazza da seser	plazzas semplas da seser ord roma per tiara, senza travestgida laterala e tetg; ei resulta negins donns vid la plonta entras guotas, ferradira e.a.v. ed/ni entras ligiar cun fildirom, sugas etc. senza midadas da terren
sez ault movibel	sez ault d'alumini, material sintetic e.a.v. cun ni senza scala integrada che vegn pusaus enviers ina plonta ni fixaus cun tschentas entuorn il best dalla plonta
sez ault	basa da seser sin combas-lenn (lattas ni bests da plontas) ni sin in pégn, travestgida laterala, cun ni senza tetg
hetta da laghetg temporara	hetta da laghetg che vegn montada sil pli baul l'entschatta settember e demontada sil pli tard el decuors digl avrel
hetta da laghetg permanenta	hetta da laghetg che resta permanentamein el liug
largia da sittar	allontanament da singulas plontas per saver sittar sin la selvaschina giu dad in post da catscha (sez ault ni sez bass)

2. Directivas

- Plazzas da seser basegnan negina lubientscha ufficiala, aschilunsch che las pretensiuns vid talas vegnan respectadas, v.d. negin material jester e negins donns vid las plontas.
- Damondas per la construcziun d'agids da catscha ein da far cul formular uffical per mauns digl uffeci forestal.
- Mintga singul agid da catscha ei d'annunziar individualmein cun in formular.
- Sezs aults e hettas da laghetg ein da nudar bein veseivel cun la numera che vegn attribuida entras la vischnaunca.



- e) Sezs aults e hettas da laghetg che vegnan buca utilisai pli ston vegnir allontanai entras il possessur. Igl allontanament ei d'annunziar agl uffeci forestal ed al proprietari da terren. Succeda negin allontanament, procura igl uffeci forestal per tal. Ils cuosts vegnan adossai al possessur pertuccau.
- f) Sezs aults e hettas da laghetg che midan possessur ein d'annunziar agl uffeci forestal ed al proprietari da terren cun in niev formular uffical.
- g) Mintga catschadur obtegn la lubientscha per max. treis agids da catscha da laghetg.
- h) Ils indrezs da catscha (sezs aults, hettas da laghetg) ston vegnir construi aschia, ch'ei resulta negins donns vid singulas plontas ed igl uaul resp. la cultira. En special eis ei scumandau da pitgar ferradira ellas plontas per fixar aissas, sezs ni scalas.
- i) Il volumen maximal dalla construcziun astga muntar max. 1.5 x 1.5 x 2.0 m.
- j) La distanza horizontala denter ina construcziun d'agids da catscha e l'autra sto muntar minimalmein 70 meters. Las construcziuns d'agids da catscha ch'ei vegnidas lubidas entochen ils 31 da fenadur 2017 ein legalas, era sche la distanza ei pli pintga.
- k) Per la segirtad dils sezs aults resp. las hettas da laghetg ei il possessur responsabels cumpleinamein. La vischnaunca refusa tutta responsablada per accidents e donns che resultan, quei era enviers tiarzas personas.
- l) Tier eveniments specials ni situaziuns extraordinarias (p.ex. lenna dil bau, lenna derschida) sa il selvicultur pretender da tut temps igl allontanament immediat dils indrezs da catscha, sche quels impedeschan las lavurs forestalas. Ordlunder resulta pil possessur negin dretg d'indeminsaziun.
- m) Largias da sittar astgan vègnir fatgas mo cul consentiment digl uffeci forestal e dil proprietari d'uaul. Las lavurs astgan vegnir exequidas pér suenter la marcaziun entras il selvicultur.
- n) Cunterfatgas enviers leschas e la directiva avon maun vegnan punidas.

Questas directivas entran retroactivamein en vigur cugl'emprems d'uoost 2017 e remplazzan las directivas digl 1. da zercladur 2016.

Approbau dalla suprastanza communal il 23 da matg 2016 e revediu dil medem gremi il 28 d'uoost 2017.

Suprastanza communal Disentis/Mustér

Il president:

Il canzlist:

Robert Cajacob



Andri Hendry

Disentis/Mustér, il 28 d'uoost 2017